

# 北洋官報

目錄

宮門抄  
上諭

奏議○憲政編查館奏考核籌辦憲政成績摺△謹直督  
奏請獎 陵差出力各員摺  
公積○工務局等呈一件△禁煙局咨一件△密雲縣稟  
一件  
特別要件○學台演說△協贊會總協理演說  
文告四則△電報七則△新聞七則  
彙編○順直諮議局辦事細則

本局第一百二十一期 法政學報 已出

## 宮門抄

十一月初二日 農工商部 郵傳部 正藍旗值日 戴鴻慈謝 賞穿帶膝貂褂 恩 禮王等由

西陵回京請 安 朱益藩謝 賞廕生 恩 陳夔龍伺候 召見 召見軍機 陳夔龍

郵傳部遞封奏一件

十一月初三日 理藩部 廂藍旗值日 召見軍機

## 上諭

十一月初二日內閣奉

上諭崔永安奏查明災歎州縣請蠲緩糧租一摺本年順直地方入夏以來雨澤愆期至六七月間雷雨連綿河水漲發以致濱臨各河窪地禾稼均多被水並因天時不齊各屬有被雹被蟲被旱之處若將應徵錢糧照常徵收民力實有未逮加恩著照所請所有武清等十一縣廳成災五六分村莊應徵本年錢糧著蠲免十分之一成災七分村莊應徵本年錢糧著蠲免十分之二各項旗租著蠲免十分之一成災八分村莊應徵本年錢糧著蠲免

十分之四各項旗租著蠲免十分之二成災九分村莊應徵本年錢糧著蠲免十分之六各項旗租著蠲免十分之四成災十分村莊應徵本年錢糧著蠲免十分之七各項旗租著蠲免十分之五應徵屯米穀豆草束竈課學租旗產錢糧河淤海防經費儲備軍餉廣恩庫租通津二幫屯租一併分別蠲緩其陸軍部馬館租鑾輿衛租永濟庫租代徵租及出借倉穀籽種口糧牛具等項著一體緩徵並分別減免差徭又三河等二十四州縣歉收四分村莊應徵本年糧租並歉收三分村莊應徵節年糧租屯米穀豆草束竈課學租旗產錢糧河淤海防經費儲備軍餉廣恩庫租陸軍部馬館租鑾輿衛地租通津二幫屯永濟庫租代徵租並出借倉穀籽種口糧牛具等項均著緩至宣統二年麥後啓徵並減免差徭以紓民力餘著照所議辦理該護督卽刊刻謄黃徧行曉諭務使實惠均霑毋任吏胥舞弊用副朝廷軫念民艱至意該部知道欽此

上諭崔永安奏查明開州等三州縣災歉情形分別蠲緩糧賦一摺直隸開州東明長垣三州縣濱臨黃河村莊本年被水秋禾歉收若將應徵糧賦照常徵收民力實有未逮加恩著照所請所有開州等三州縣成災五六分村莊應徵本年錢糧著蠲免十分之一成災七分村莊應徵本年錢糧著蠲免十分之二成災八分村莊應徵本年錢糧著蠲免十分之四其成災五六七分村莊蠲贖錢糧著緩至宣統二年秋後起分作二年帶徵成災八分村莊蠲贖錢糧著宣統二年秋後起分作三年帶徵至被災各村村莊未完節年糧銀及歉收四分村莊未完本年節年錢糧同歉收三分村莊未完節年糧銀暨出借倉穀等項均著緩至宣統二年秋後起徵仍減免差徭以紓民力餘著照所議辦理該護督卽刊刻謄黃徧行曉諭務使實惠均霑毋任吏胥舞弊用副朝廷軫念民艱至意該部知道欽此

奏議錄要

憲政編查館奏遵限考核京外各衙門第二屆籌辦憲政成績摺

奏爲遵限考核京外各衙門第二屆籌辦憲政成績恭摺仰祈 聖鑒事竊查臣館奏定考核專科章程內開九年籌備事宜欽奉 懿旨責成內外臣工每屆六個月將籌辦成績臚列奏聞並咨報憲政編查館查核應自

光緒三十四年八月起至十二月底止爲第一屆以後每年六月底暨十二月底各爲一屆限每年二月內及八月內各具奏咨報一次俟報到臣館後查核所辦是否核實於每年四月內及十月內各分別殿最彙奏一次等語臣等已於四月內將上年八月至十二月京外各衙門第一屆籌辦成績考核具奏在案茲屆第二屆考核之期所有京外各衙門籌辦成績除甘肅雲南兩省尙未奏到外餘俱陸續臚陳具奏均奉 旨該衙門知道欽此十月十

三日奉 上諭前奉 先朝諭旨諄諄以籌備立憲爲要圖業經嚴定年限各專責成期於計日程功屆時

頒布不啻三令五申朕臨御以來又復疊降明諭或於批摺內誥誡再三其於憲政前途實事求是之心早爲天下臣民所共見現據各部院堂官暨各直省督撫奏陳第一二屆籌備事宜均尙妥協果能實心實力次第興辦何難日起有功所慮積習相沿難保無但以一奏塞責者須知此項要政上稟 前謨下慰民望關繫至爲重大自

茲以往益當振刷精神認真整飭無取乎虛文粉飾徒事鋪張若揆諸現在情形辦理或有窒礙亦准其剴切臚陳

並妥籌善法仍一面持以毅力務底於成斷不可遇事畏難互相諉過方今時事多艱朝廷宵旰憂勞無時或息爾

內外諸臣受國厚恩理宜殫竭血誠擔負責任倘稍涉虛假將來憲政不克依限實行試問能當此重咎否耶即著

憲政編查館將所奏成績隨時稽核如查有措辦遲逾或因循敷衍毫無實際者據實叅奏朕惟有懷遵上年八月初一日

諭旨按照溺職例懲處紀綱具在決不姑寬要之仔肩固無旁貸而協力乃克有成尤望爾內外諸

臣共矢和衷屏除私見毋黨同而伐異毋動始而怠終庶幾上下一心弼成邦治朕心實嘉賴焉將此通諭知之欽

此仰見我 皇上循名責實懲勸兼施之至意伏查本年應行籌備事宜共十四條一舉行諮議局選舉各省一

律開辦除新疆一省前經奏明變通辦理俟屆舉行第二次選舉之期如期照辦外其餘各省均據報明已於九月初一日一律開辦則六月以前籌辦自無貽誤一頒布資政院章程舉行該院選舉查資政院章程及選舉章程已

由該院於七月九月先後奏奉 諭旨頒行中外其在京各項人員選舉則於九月行知次年二月舉行各省諮

議局議員選舉則定於十月十一日舉行六月以前籌辦亦無貽誤一籌辦城鎮鄉地方自治設立自治研究所查

城鎮鄉地方自治章程由民政部擬訂臣館覆核於上年十二月奏奉 諭旨頒行地方自治研究所章程由民政部擬訂臣館覆核於本年三月奏奉 諭旨頒行各省均已陸續開辦直隸籌辦最早於光緒三十二年已設

所研究先於天津試辦次年規畫全省歷次畢業者將近千人統計前後設所研究者已有七十九處廣西於三十三年即奏設全省自治局旋附設研究所現將全省劃分三區按屬分配名數入所研究並於籌備期內擇要試辦以爲實行之先導各屬有自行設研究所者有提前設立籌辦公所者且有士紳請將境內膏土各店一律禁止各屬亦多繼起應係推行自治之效該兩省成績最爲可觀其餘各省亦均按照章程循次進步屆限當可期成立一頒布廳州縣地方自治章程業據民政部奏明應由該部督飭司員擬訂草案詳細斟酌於第二屆期內另行具奏應俟奏到再由臣館覆核奏頒一調查各省人戶總數迭經民政部通咨各省限於年內十月間將查報戶數填表送部據各省奏報均已著手開辦四川則稱部章戶數口數係分兩次調查川省近年迭奉部文試辦清查戶口事宜業已略有端緒因利乘便正可一氣辦理因飭各屬於調查戶數時即一併調查口數以期迅速安徽則稱於查戶之外概行提早一年查口以立城鄉自治之基吉林則稱前經通飭各屬遵照調查現查核各屬陸續所報其表冊尙皆明晰不特人戶總數已得大凡即人口總數亦不難按表而稽均屬著有成效一調查歲出入總數查清理財政以調查出入總數爲入手茲經度支部奏派各省監理財政官業經先後赴差各省清理財政局亦俱次第設立廣東省已將春季司局出入款總分冊咨部查核江蘇各屬春夏季報已得過半之數辦理尙屬認真餘俱陸續辦理當不致誤部限一釐訂京師官制一編訂文官考試章程任用章程官俸章程現經臣等督同館員準酌古今參合中外悉心核訂不致誤第五年第三年頒布之期一頒布法院編制法官爲憲政要鍵編制法官爲司法總綱前經修訂法律大臣擬具草案奏奉 諭旨交臣館覆核現經臣等督飭館員復加考訂已漸就緒年內必可具奏請 旨頒行一籌辦各省省城及商埠等處各級審判廳查現在省城如奉天業已成立吉黑兩省亦俱籌設商埠如天津營口均先後開辦其餘各省亦皆次第籌辦法部又慮其開辦之初規模未能盡一是以補訂外省省城商埠各級審判廳試辦章程及編制大綱籌辦事宜奏明通咨在案天津改良裁判籌議最先光緒三十二年經前督臣袁世凱奏訂章程經營籌造規制粗備因在部章未布以先一切官制員數未能合符復經臣那桐前

在署督任內飭司妥議改定辦理湖北前於武昌省城漢口商埠設立初級地方高等審判各廳先就各署試辦係屬一時權宜行政司法二者未能分清權限殊失立憲政體之精意現經該督奏稱飭司按照京津審判廳辦法先將武漢兩處應設審判各廳勘地興工限年終一律完竣本年仍按照原奏暫就各署設庭正名為審判見習所俾免牽混應令迅速依限分設以符立憲之制一核訂新刑律查前據修訂法律大臣奏呈新刑律草案以內外臣工奏請再行妥訂奉 旨令會同法部斟酌修改應俟該大臣修改奏呈再由臣館核訂一頒布簡易識字課本創

設廳州縣簡易識字學塾一頒布國民必讀課本據學部奏稱擬俟編訂成書先在京師地方教授數月如果士林稱便再行奏明請 旨頒行現在該部業經編成識字課本兩種飭督學局先在京師地方試行教授其國民必

讀課本亦不日成書當不致誤本年頒布之限簡易識字學塾各省多已預為籌備俟奉到課本開辦山東江蘇山西則先暫編課本以民間常用之字斟酌課授俟奉到部頒課本再行遵用辦理尤為迅速一廳州縣巡警限年內

粗具規模各省巡警直隸開辦最早規模較具統計廳州縣巡警名額約有二萬六千餘名疊經歷任督臣加意整頓一切保衛公安等事略有成績可觀奉天開辦亦早不但廳州縣巡警經始較先而鎮鄉巡警亦復規模略具近

復大加設備於廳州縣各設警務長一員限期設立教練所官紳互相監督業經將編定通則咨部立案頒發各屬類若畫一浙江各屬巡官教員專用警務畢業人員兼辦水巡需以時日水陸巡警必能日有起色其餘各省亦俱

次第籌辦綜計以上籌備事宜十四條據京外各衙門臚列奏陳均尚能認真辦理不涉因循臣等仍當恪遵諭旨將所奏成績隨時稽核如查有措辦遲逾或因循敷衍毫無實際者遵即據實奏參請 旨懲處不敢稍涉

寬縱以期仰副 朝廷注意憲政實事求是之懷除甘肅雲南兩省業經電詢現據雲南督臣電稱已於前月具奏尙未到京甘肅尙未電覆應俟奏到後另行辦理外所有臣館遵限考核京外各衙門第二屆籌辦憲政成績緣

由理合恭摺具陳伏乞 皇上聖鑒訓示謹 奏宣統元年十月二十九日奉 旨已錄

### 護理直隸總督崔奏

### 陵差出力各員擇尤請獎摺

奏為恭備 陵差出力各員擬懇援案擇尤請獎恭摺仰祈 聖鑒事伏查本年三月 德宗景皇帝

梓宮奉移 西陵暫安九月 孝欽顯皇后梓宮奉安 山陵禮成在京民政部郵傳部步軍統領

各衙門暨直隸提督所派應差各員均先後奏蒙 恩准給獎仰見 朝廷錫類推仁有勞必錄之至意欽感

莫名直隸應辦各差舉凡撰雇樸夫修墊橋道協濟車馬供備一切在在尤關重要兩屆 大差奴才均在藩

司任內稟承督臣督飭在事各員激發天良懷遠 諭旨恪恭將事實力實心昕夕籌維罔敢或懈應用一切款

項較歷屆成案節省至數百萬兩之多願念 鉅典攸關猶慮儉不中禮轉不足以昭誠敬復經審慎再三斟

酌盡善於核實撙節之中仍遵格外優崇之 旨仰託 聖主洪福天氣晴和人心哀感應辦各差幸免貽誤

奴才責無旁貸自不敢仰邀獎叙惟在事出力文武員弁實屬異常勤奮合無仰懇 天恩准援民政部成案由

奴才併案擇尤酌保以勗勤勞而示鼓勵出自逾格 鴻慈謹恭摺具陳伏乞 硃批准其併案擇尤酌保毋庸冒濫欽此

### 公牘錄要

直隸工藝局孫道等呈延古齋因存貨過多開彩售貨報効建築別館經費一萬元文並批

竊據天津延古齋古玩店商人張春華稟稱竊商人前因存貨過多設法銷售估價十萬元開彩售貨並願提洋一

萬元報効建築直隸別館經費一事開列清摺稟奉 前督憲端派委商務總會王總理賢賓會同督署郝委員調

查後旋奉批示該貨價目業經派員調查尙屬相符准其照例運交陳列所開彩銷售等因蒙此適值 督憲端交

卸未及檄行即將原摺交協贊會錢協理面諭送交陳列所照辦等因現聞籌辦南洋勸業直隸出品協會定於十

一月朔日開展覽進行會擬趁開會之期先將各貨附列會場以便彩票易於銷售所有開彩一切雜用等費業與

陳列所商明以五千元作為各項費用茲特具稟懇請鑒核速賜檄行遵照等情據此職道等公同商議此事業奉

前督憲端俯准照辦現在直省建築別館需款甚鉅該商情願提銀一萬元以備建築經費似於公款不無裨益

據稟擬乘開會展覽之時將各貨運送附列會場以便彩票易於出售亦屬實情可否允行職道等未敢擅便理合  
繕摺呈請 憲台核奪批示飭遵  
護督憲崔 批據呈延古齋古玩店因存貨過多擬開彩售貨願報効洋銀一萬元作為建築直隸別館經費並擬

趁直隸出品協會開展覽會之期先期將各貨附列會場以便彩票易於銷售事尚可行應准照擬辦理仰即遵照飭知抄由批發此繳

直隸禁煙總局咨覆藩司核議武邑縣抽收井戲等捐四條以備會同詳覆文

爲咨覆事案准貴司咨開宣統元年九月初二日蒙 督憲端批據武邑縣具稟禁煙公所經費現將告罄籌擬抽收辦法四條以資接濟請查核緣由蒙批據稟擬抽禁煙經費辦法四條是否可行其中有無窒礙仰藩司會同禁煙局按條查明核議飭遵具覆此繳等因到司蒙此查此案前據該縣具稟到司當經批飭補稟貴局核示在案茲蒙前因查所擬抽捐辦法四條是否可行有無窒礙自應咨請查明詳辦擬合咨會爲此合咨貴局請煩查照希即按條查明核議掣銜詳覆飭遵施行計粘抄稟等因准此敝局即將該縣抽收辦法四條逐一核議會同具詳相應備具文稿咨覆爲此合咨貴司請煩查照是否有當希即核奪如果意見相同並希書行擲還以便繕發須至咨者  
密雲縣張令夢筆稟籌設巡警教練所請查核文並批

敬稟者竊案查前蒙警務處札開轉蒙 前憲台札准 民政部咨送奏定高等巡警學堂及州縣教練所章程行由警務處遵照部章擬訂教練所詳細規則稟准通飭遵辦計發部章暨教練所規則一本令即查照辦理並將遵辦情形據實稟報等因蒙此查卑縣巡警經歷前任籌辦計分十二區統共巡兵二百一十名半係來自田間未嘗學問虛應故事亦無實際現在奉飭開辦教練所實爲改良整頓之基爰集城鎮總分局警董悉心酌議竊以巡警所以保公安必教練而後成不難於開辦而難於籌款尤難於籌款而不擾民與其貪多徒滋紛擾不如少練以圖進步本城巡警總局屋宇宏敞添置棹機書籍佈設講堂宿舍尙足敷用於原有之巡兵挑選粗識文字精壯合格者一百二十名其餘全行淘汰按照四分之一輪班抽調來所遵照部章暨警務處所訂規則切實教練每班以三十名爲率限定一年畢業以六個月在所教練以後即分派各區練習訂於九月初一日開辦即派總局警董傳東山爲所長以天津警務學堂畢業生現充巡官魁壽爲教員應設庶務一員併即責成總局巡記何家駒兼理均擔任義務不另支薪水學生薪膳即就原餉開支以節經費試辦一月官理教授均已就緒除由卑職隨時督飭認真教練務收實效並造具學生名冊另文呈報警務處彙案詳咨外所有卑縣遵飭籌設教練所緣由理合稟請

大帥查核立案俯賜批示祇遵實爲公便肅此具稟恭請 勛安伏乞 垂鑒  
護督憲崔 批據稟已悉仰警務處轉飭該縣督率教員認真教練務收實效並飭候 順天府尹批示繳

## 特別要件

### 學台傳十一月初一日蒞出品協贊會開幕演說

今日爲展覽進行會開幕之日本司於賽會一事本素所贊成此會既經 甸帥倡立於先 護督帥提振於後會中總協理及諸職員慘淡經營以有今日日本司今臨斯會見一切出品陳列之美備實不勝懽忻慶幸焉按會章以教育品物列於首部本司職司教育於此部尤極注意蓋世界萬種事業之發達無不原始於教育苟有教育則無論政治法律文學武備農工商業交通機關皆可以日益文明但教育之道非互相比較則不見優劣不生競爭故正當教授之外必有觀摩展覽種種之集會俾人觀察衡較擇善而從其教育方可望進步故賽會在教育界中尤爲不可少之事直隸雖向有此等集會但皆限於一隅範圍甚狹觀感甚難前月 學部來文令本司於出品協會解送物品至南洋以先專開一教育展覽會頃已行文各州縣徵集物品預備擇期開會今日展覽進行會包羅萬象已將教育一部包括其中誠足爲學會之先河資學界之觀感於本司教育行動上裨益甚多本司甚願贊助來年以此項出品解送南洋之時本司若能得間附驥協會至南洋一覽其盛將其所見所聞轉輸於本司則是直隸學務受賜於協會者甚多而斯會前途之發達結果之良好誠可於今日卜之也

### 直隸出品協贊會總協理演說

今日爲直隸展覽進行會開幕之喆大夫君子濟濟多士樂於是乎觀禮學熙等輪材薄識忝任斯職竊幸基礎之巖成又懼組織之未備不禁欣悚交集是會也所以徵集物品預備赴賽南洋者列二十四部分部采集無者闕之事至複雜任其事者擔負又至重故不直曰展覽而益之以進行備於預也大抵世界之進步必有此預備時代後乃進於完全時代事經初始直隸又爲畿輔屏藩視線所集不得不慎於將事以副 涇陽尙書與 馨帥 筱帥之所期望且今之世界農工商交戰之世界也一或失敗立足無地我國物產富饒而民智橐籥不讓歐美乃借矛攻盾倚困待盡不其殆哉斯會之成也締造經營者凡六閱月選材任職分類蒐集奔走於道者趾相接始得此部



居陳列之一日雖然天下萬事不進則退不行則止無中立者愈比較愈競爭愈進步直省往歲屢開展覽會矣則今日之展覽較往歲當有進步知明歲之赴賽其進步又非今日比於斯籌備焉研究焉物而審之凡天產製造美術教育諸品釋回增美有英皆萃則實業界之振起精神足占優勝而不負此進行方針者皆今 護督馨帥之所裁成與 甸帥 筱帥之後先媲美有以鼓舞邦人士始克臻此其幸福豈有涯涘哉固非不佞輩之所得而私已

## 文告錄要

督憲批示錄要○運司詳明蘆台場缺苦請給房租銀兩由 批來牘閱悉應准照辦希即飭遵此復○又詳刊發

口北緝私委員鈐記由 批來牘閱悉此復

藩台牌示○曲陽縣鄭在中調省遺缺委正任玉田縣孫鴻烈署理○豐潤縣馬為瑗請咨遺缺委候補知縣紀雲

鵬署理○藁城縣陳汝賢署事期滿遺缺委候補知縣胡壽蘭署理○井陘縣樂太常調省遺缺委候補知縣徐福

田調署所遺鉅鹿縣缺委正任藁城縣左運樞調署○獲鹿縣嚴書勳調省遺缺委候補知縣陳敬堯署理○新

樂縣麥汝良調省遺缺委候補知州趙炳林署理○圍場糧捕同知傅澂源署事期滿遺缺以請補武邑縣俞良

臣署理○樂城縣葉士模調省遺缺以署阜平縣怡欽調署所遺阜平縣缺委候補知縣承訓署理○署大名府

同知程鹿鳴飭回廣平府同知本任所遺大名府同知缺委現署廣平府同知張宗長署理○唐縣高淑琦署事

期滿遺缺委候補同知孫紀源署理○贊皇縣王會圖署事期滿遺缺委布庫大使湯觀衡署理所遺布庫大使

缺委候補知縣湯世晉署理○交河縣周學淵署事期滿遺缺委補用知縣葆勛署理○代理臨榆縣楊灝生改

爲署理○涑水縣高文才署事期滿遺缺委候補同知郭以保署理

學台批示○寶坻縣副貢生周汝具稟聲明三代履歷並報專門懇准收考一案 批稟悉查該副貢送考咨文未

奉 督憲發司批准先就近覓取印結呈候收考仰迅即遵照辦理勿延此批○柏鄉縣高小堂長劉生辰等稟

儒學選取份生藉端歛費請派委查追一案 批稟悉仰候札縣查復核辦此批

清苑縣告示○爲出示嚴禁事照得南城地方每屆冬令由紳捐資設立養病堂收養貧病無依之人實爲莫大善

舉久經循辦在案茲據該董事馬錫彤等稟稱循舊捐建養病堂一所於十月二十日開堂除本處有家者不計外其外來四方病丐均由該堂收養調治但開堂之初恐有無賴棍徒藉病滋擾無病乞丐強欲住留而生者不服盤詰病愈者不肯出堂均屬有妨善舉請示禁等情前來合行出示嚴禁爲此示仰附近居民並堂中養病人等一體知悉自示之後倘有前項裝病逞刁種種不法情事許該董事立即赴縣指名具稟以憑拘案重懲決不寬貸各宜凜遵毋違特示

### 電報錄要

路透電○英國前藩部大臣張伯倫氏在曼柴斯德與薩斐爾德兩地方宣布意見書謂改良關稅實爲當務之急可與外國爭勝并將各殖民地聯絡一氣以期感情日切

又電○比利時王現在病勢甚重因醫士施以割治之法以致腹痛轉劇

又電○英政府現派海軍少將溫斯魯氏爲駐亞東艦隊總司令官

柏林電○義國新任外部大臣智司丹尼伯爵對於三國聯盟并法義邦交頗爲滿意

又電○俄國北方銀行與華俄道勝銀行歸併爲一更名爲俄亞銀行

又電○英國輪船在檀香山附近擱淺由德國巡洋艦阿爾堪納號拖帶出險

又電○德國前任教務學務大臣現任衛生局總理兼樞密院議員赫洛氏逝世年五十有四

### 新政紀聞

政治

順直諮議局議案目次○順直諮議局議案已於第一會期通過茲先將各案目次列下 議決案十七件 議決

交議四十六廳州縣糧租案 議決交議調查戶口規則案 議決交議籌設簡易識字學塾案 議決限期實

行地方自治並派專員催辦案 議決裁減新擬五處師範設立單級教員養成所以推廣小學教育案 議決

改良警務案 議決廳州縣設立理財所案 議決全省開辦礦務准與通知以備察核而防冒濫案 議決別

除訴訟積弊案 議決改良府廳州縣統計處辦法案 議決應攤路款加收鹽捐請一律改歸民股案 議決

別除鹽商積弊案 議決挑浚淖沱河及引濬入運事不可行案 議決改良田房稅契以除弊便民案 議決免除田房牙紀以去弊害案 議決裁撤熱河所屬各府州縣鄉約鄉長牌頭等差以清積弊只留屯長而歸實用案 議決控案須認真辦理實究虛坐以維持新政之進行案 申覆案二件 申覆諮詢整頓巡警案 申覆諮詢清理差徭案 陳請案九件 陳請巡官區長薪俸應以裁綠營餉項撥充以便宜行政而圖改良案 陳請整頓順天警務案 陳請設立永定河防議事會案 陳請籌辦直隸紡紗廠案 陳請本省諮議局對於順天行政權限應如何辦理以謀統一案 陳請旗籍議員請化除畛域取消京旗駐防常駐議員專額案 陳請移建大興宛平兩縣治案 陳請革除蒙鹽專賣病民案 陳請 奏免典當田房稅契以惠窮黎案 以上共計二十八件其僅經一讀會或二讀會作廢者均不計

贛省諮議局之議案○贛省諮議局議長謝遠涵因閉會在卽而應議事件尙多特會商副議長黃大壩郭慶平將緊要議案提出宣佈限定日期一律議決以便呈覆茲將限至上月十八日同時議決事件錄下 宣佈法律審查會改良訴訟議案報告書 宣佈法律審查會治匪議案報告書 議決黃蘭芳君改良監獄議案 提議教育總會請講案三件 宣佈財政學務法律審查協會銀錢劃一制度議案報告書 宣佈法律審查會常年調查戶口議案報告書 宣佈法律審查會慎重人命議案報告書 宣佈鹽斤加價議案報告書 宣佈法律審查會鄉鎮警察報告書

### 學務

八旗學務處派充科員○京師八旗高等小學堂各堂長由八旗學務處總協理派充義務科員現各員均已到差學生畢業之解說○直隸無極縣李君鳳閣函寄學生畢業說二則囑爲登報茲節錄其一云古人只有修業居業而無畢業進而不已謂之修業守而不失謂之居業今之畢業云者就學堂之等級而言非指一生之學業言也小學畢業則中學之修業方始中學畢業則高等之修業又始高等畢業則大學之修業又始至大學畢業已入仕途事愈大則謂之大業事愈多則謂之廣業一旦不修則大業廣業俱荒矣范文正公當秀才時便以天下爲己任任天下之責者無論創業守業俱有事在業無已時修亦無已時然則終身果無畢業之時也學生烏得以

畢業自畫哉

通飭催報學堂經費○浙江提學司支文宗日前專札通催各屬云案奉 學部札開查各省辦理學務經費其報部數目只有總數於各該學堂動撥何項籌捐何項活支若干常支若干均未詳晰分別報明若不切實調查則官款公款及就地籌捐之款既未能縷晰條分即各項動撥各項開支部中更無從查核茲由本部刊定表式通行各省飭令於全省各項學堂無論官立公立民立均列明用款若干由何項提撥何項籌捐據實詳細調查務於三個月內一律辦妥報部等因當查各學堂經費歲入歲出均須遵照部章簡明填寫以便學務統計之用茲又奉飭係為清釐財政起見應將各項學堂經費專案填報不得仍前籠統或用樂捐派捐等名如限送司以憑彙轉並札各屬佐治員督催在案迄今逾限兼旬前項表式仍未據送齊殊屬違延已極合亟通催該府廳州縣立即遵照轉飭勸學所傳知境內無論官立公立民立各學校一體照式據實查填各三紙限十月內由縣彙集專差星馳送司以便覆部

民事

宣布清熱解瘟良方○天津商務總會發出公啓一紙云啓者以五運六氣推之暖冷太過忽然而至當寒水司令乃客氣加臨必致瘟痧症起御醫鄒君百川關心濟世謹立清熱解瘟之良方先服三五劑可治未病若肯嘗試效莫大焉特由敝會登報以供衆覽藥方列後 蓮子心三錢 生貫衆三錢 瓜蒌根三錢 炙知母三錢 炒連翹三錢 胖大海三錢 生甘草一錢 清竹葉三錢 炒黃芩二錢 山豆根二錢 川貝母二錢 限制川米開禁運鄂○鄂督張制軍准川督趙制軍咨稱川省向來禁運米石出口然每年外省公家採購商人私運數亦不少本年湖北水災甚重川省近在比鄰誼難漠視迭准貴督來電乞糶本應由官接濟然官運成本較重財力為難不如招商運往在宜漢一帶出售周轉較易惟無限制則恐川米出口過多價即騰漲仍非恤民之道應由本督部堂刊發執照每重慶斛米一石收繳照費銀四錢即在夔渝兩處委員專司發照查驗事宜嗣後無論官商運米凡須運出夔關者即應繳費領照此係特別放運專為接濟鄰省災區而設儘今年年底截止偷米價漸漲仍先期預禁以示限制云云陳制軍已札飭籌賑局知照矣

員會之報告同行提出

第五十七條 委員會當作委員會議錄記載出席者之姓名表決之數議決之要領及其餘重要之事件由委員長及理事署名保存於諮議局辦事處

第五十八條 議員有求閱委員會議錄及其他文書者如於審查無碍得許可之但不得携出諮議局之外

#### 第四節 特別委員

第五十九條 諮議局特別事件發生應行審查之時經議員議決得選舉特別委員其員額臨時決定

第六十條 特別委員由議員中以無記名連記投票法互選之得票最多者爲當選人如有二人以上同數者則以抽籤定之但經諮議局之議決得不用互選使議長指定

第六十一條 諮議局付託於特別委員之事如有相與連繫之事件可一并付託之

第六十二條 諮議局受特別委員報告之後如應行覆查者得再將該事件付託於同一委員或其他委員

#### 第五章 議員資格之審查

第六十三條 議員對他議員之資格有異議者當作揭告書及副本署名送交議長議長以其揭告書付之審查資格委員將副本送達被告議員定日期使其答辯書

第六十四條 被告議員如能證明因事變及疾病不能於定期內呈出答辯書議長得再定日期使其呈出

第六十五條 議長受被告議員之答辯書則付之審查資格委員限以時日使審查之

第六十六條 被告議員如不能於定期內呈出答辯書審查資格委員得逕行報告審查之結果

第六十七條 委員認爲必要之時得逕由議長將原告議員及被告議員召齊質問

第六十八條 委員既將審查報告提出於議長議長分配於各議員付之會議

第六十九條 被告議員在諮議局得自行辯明或託他議員辨明但不得與於表決之數

第七十條 諮議局議決以爲不合資格者得由議長宣告除名若決議以爲被認應議決處原告人以相當之罰則

第七十一條 審查資格之手續適用委員會規則

第六章 議事

第一節 提議

第七十二條 凡議員提出議案須具案附以理由經贊成人署名送交議長議長於開議前一日印刷分配於各

議員

第七十三條 凡議員提議因事之輕重分別規定贊成人數如左 一普通之提議須有三人以上之贊成 二

省略讀會之要求及開全局委員會之提議須有十人以上之贊成 三修正之提議懲罰之提議須有二十人

以上之贊成 四修正預算案之提議須有三十人以上之贊成

第二節 讀會

第七十四條 讀會分爲三次如左

第一讀會 定議案之應否付議

第二讀會 已決爲應行付議之案由議員各出其意見討論修正之

第三讀會 大體既已表決僅就其文字斟酌之

第七十五條 每讀會時由書記將議案朗讀議長亦得因便宜使省略之

第七十六條 第一讀會於議案分送各議員後必須隔二日開議但緊急事件不在此限

第七十七條 第一讀會將議案朗讀後總督或其遣代員及發議者得申明其旨趣 議員如於議案有疑義時

得請總督或其遣代員及發議者說明之

第七十八條 前條之手續畢如係重大議案當付之委員會 凡付委員會之議案須俟報告後就大體討論之

以定應否開第二讀會 凡未付委員會之議案即就大體討論以定應否開第二讀會

第七十九條 凡決定不開第二讀會者其議案即行廢棄

第八十條 第二讀會須於第一讀會後隔二日行之但議長得諮詢議員減短時日或與第一讀會同日舉行

# 謹告我國四萬萬同胞

大清欽命駐劄新嘉坡總領事特表韋廉士大醫生紅色補丸之奇功並自述其獲益之緣由

韋廉士大醫生紅色補丸近在天下文明各國各等社會莫不明證是丸為名著名大陸之聖藥實有使身力復原之奇功也屈指二十餘年以來有無數感恩之人或貧或富或男或女紛紛遺書致謝登報讚揚以申明其由韋廉士大醫生紅色補丸之妙用有得身體康強精力復原之實益在所刊布之保證書中有出自各國富貴大員者有出自著名醫士者上自政府樞臣下至府廳州縣以及各國宗教師格致家富紳巨商各國大醫院之優等看護婦莫不嘖嘖讚賞此丸有起死回生之妙補天浴日之功也茲承大清駐劄新嘉坡兼轄海門等處總領事左公秉隆遺書表揚恭錄如下云韋廉士大醫生所製之紅色補丸親經試驗特予表揚蓋余嘗聞此丸名馳久矣數月前偶試



大清欽命 服之果覺脾胃強健氣體充盈種種奇功筆  
 劄劄嘉 難盡述因思此丸創製多年衛生家莫不奉  
 坡領事 為至寶早已風行海內凡我內地諸省倫知  
 左公秉隆 貴廣為銷售俾我四萬萬同胞共登壽域  
 長揚韋廉 豈不猗歟爰為之書以徵實驗 大清駐劄  
 士大醫生 新嘉坡總領事左秉隆具 韋廉士大醫生  
 紅色補丸 是丸為醫學家所素知乃使血潔淨使血有  
 之奇功

力並造新血之聖藥也大抵不潔軟弱之血皆為致疾之根由血荷潔淨有力則疾病自能驅除淨盡矣茲將是丸所能療治各疾列後 血薄氣衰 諸虛百損 腦筋衰殘 少年虧喪 陽萎不舉 胃不消化 肝經各病 頭目暈眩 左癱右瘓 跳舞瘋病 腳氣衝心 山林瘴氣 風溼骨痛 腎虧酸痛 腰酸背疼 胸膈疼痛 乾溼癬癩 瘰癧疔疹 皮膚諸症 以及婦女經水不調 鬱氣悶等症無不藥到回春 韋廉士大醫生紅色補丸中國各處商店藥局凡經售丸藥之處均有出售或直向上海九江路B字第八號韋廉士大醫生藥局總發行處或向四川重慶白象街分局購買亦可價銀每六瓶大洋八元每瓶大洋一元五角 遠近郵費一律不取 謹告購藥諸君請細認能療疾病者係真正韋廉士大醫生紅色補丸並非若市上所售影戲漁利之紅血紅衣等丸也謹防假冒勿為所悞

## 上海九江路B字第八號韋廉士大醫生藥局啟

商務印書館出版各書上海總發行所 分館 發售

版式大小謹遵

商務印書館恭印

欽定大清會典事例全書 進呈原本

是書前由敝館承印伏讀外務部 進呈原奏有印造尙屬精工等語查王公京外大臣得蒙 頒賜是書者僅一百三十八部敝館曾於去年縮印發售旬月間已疊再版顧海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖書悉如原書刻已印成樣本欲閱者函示即寄○一全書四百九十四册分裝八十二函計會典六函事例六十四函圖志函○一定額二百部售完不再印○一定價規銀四百兩預約者減爲二百五十兩○一預約以本年九月底爲限先付規銀五十兩○一本月內先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版

陽湖孟森校訂無錫蔡文森侯官王我臧輯譯 是書自日本開國會始至今年止凡二十五期 其初蒐無故事朝野皆奉一憲政爲準繩爲國 爲民政府與議員各盡其道中間財政之抗爭 法律之改訂或以爭執爲攻錯或以和衷爲救濟政府之待遇議會與議會之對付政府皆新立議會者必 經之層折吾國現狀與此適合不但行政官與議員急宜人手一編以資觸發無論何人皆宜循覽庶知人 民參政之實際全書分訂四册定價一元五角茲因諮議局不日開辦趕將前二册先行出版後二册七月 出版預定者實價一元收到書價後即交前二册並付收條俟後二册出版時憑條取書特此預告外埠郵 費照加

天津商務印書館新書出版

天津分館開設 河北大胡同 電話五百二十六號



# 天津商務總會代收兩湖吉林水災賑款數目及各善士銜名第五次

## 報告

滄州鹽總店代募第十號冊共助洋三十元 福泰鹽店十元 傅士林二元 遇子衡 田雲樵 倪雲波 韓秀峰 胡挹香 張華軒 趙哲明 戴楚清 安聘珍 劉富春 楊墨林 王子剛 王子久各助洋一元 潘惠民 張瑞五 劉鑑亭 徐筱峯 張德甫 魏友松 夏思榮 朱鳳嵐各助洋五角 趙州鹽總店代募第七十六號冊德泰鹽總店助洋十元 元氏縣鹽總店代募第一百九十六號冊 恒泰鹽總店十元 贊皇縣正堂代募第一百八十一號冊共助洋二十九元小洋一元五角 贊皇縣知縣王十元 典史陳 馬弁劉各助洋一元 三益當二元 杜立廷 王吉祥 馬永泰共助洋二元 張哲 馮佐 馬讓 杜甲昌 王運恒 王質文 同德長 郭繼昌各助洋一元 訓導張 巡官息 同逢吉 長盛吉 興泰永 福興長 信義成 天順泰 趙福年(山西太谷人) 胡守和共助洋五元 張坐 崔兆鳳各助小洋五角 全盛布店三角 興隆布店二角 曲陽縣鹽總店代募第一百號冊共助洋二十元 曲陽鹽總店四元 各鎮鹽店共九元五角 陳瑞廷 張雲波 趙頌三各助洋一元 董雅梅 李靜安 孫幼庭 賈商山 馬文軒 金煥章 宋壽臣各助洋五角 甯津縣紳劉冀園二元 戶北科楊清源 劉信臣各助洋一元 安肅縣正堂代募第二百三十八號冊共助大洋八十九元銅元二十八千五百文又制二千文合換洋十一元四角統共助洋一百元四角 安肅縣正堂曾傳謨五十元 吳樹廿四元 陳月清 王少颺 勞端溶各助洋二元 李新年 無名氏各助洋三元 查懷清 張煥之 葉垣青 曹燮臣 謝用三 張復乾 袁子文 謝吉人 謝潤之 劉問之 福源堂 祥泉湧 德源裕 永豐源 信義成 永興源 裕隆永 福盛堂 裕興號 亨合號 福泉湧各助洋一元 周漸吉 柏新甫 王勉臣 詹仁徽 蔡佩臣 李素齋 酒煜文 申靜齋 劉鳴岐 謝媚川 劉蘊峰 郭子厚 劉子見 王卜五 易佩青 郝進三 戴子恭 陳振卿 解登 王淇 德豐隆 義源永 戶庫房 稅契房 西路旗務房 東路旗務房 南路旗務房 兵房 戶稅房 張瀾生各助錢一千文 北路旗務房五百文 邯鄲縣正堂代募第一百十六號冊共助洋二十四元 邯鄲縣知縣張繼善十二元 邯鄲縣典史二元 錢益鄰二元 勸學所 邯鄲汛千總 城內高等小學堂 巡警總局 邯鄲訓導 東門外高等小學堂 自治研究所 邯鄲官車局各助洋一元 以上統共助大洋二百二十七元小洋一元九角

天津救急善會具

# 新 啟 告廣司公限有灰洋



啟者本公司係承唐唐山洋灰公司老廠另購外洋最新式機器旋器等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之紅磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北京奉天大連烟台牛莊青島上海漢口南京鎮江各埠均設有經售處如蒙 賜訂大批價值從廉交貨不悞期限所有洋灰及各種磚瓦等件重量式樣大槪用法另刊有華洋文廣告 光顧諸君請向本公司索閱面議一切可也

德律風一千三百零九號

## 利文洋

大小皮包法國洋號又新到聘盤換調器匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參巖等處均設有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鑲等表約有二百餘宗並各樣表練金鑲珠寶鑽石戒指耳墜鐲子表鑿大小八音盒並留聲話匣單雙桶千里眼磁蘭磨花穿衣鏡妝梳洋鏡

本行主人啟

## 瑞林祥元記

本號開設北京前門外鮮魚口天津估依街中間路北山東濟南府院西路北自置綢緞紗羅額繡粧蟒洋貨布疋各色喇哩厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零貨均照行價發兌中外 紳商賜顧移玉是幸 瑞林祥元記具

# 武齋洋行

本行開設天津 於茲二十餘年 自運各種洋貨 絨紗布匹綢緞 繡花屏風鏡額 磁銅料器以藍 奇巧美術玩器 學界文房用品 旋行携帶等件 精工變身物料 定織各色席氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啟

# 十月初十日至二十九日代收甘肅賑捐第六期報告清單

六標營管帶官劉景玉十元 六標三營管帶官張家瑞十元 七標一營管帶官馬光璧十元 七標二營管帶官王泰階十元 七標三營管帶官劉景春十元 八標一營管帶官石振聲十元 八標二營管帶官孫煥章十元 八標三營管帶官張松齡十元 馬標二營管帶官閻鳳鳴十元 馬標三營管帶官程侍墀十元 砲標一營管帶官王文熙十元 砲標二營管帶官宋振綱十元 砲標三營管帶官劉良弼十元 工程營管帶官李長泰十元 輜重營管帶官南元超十元 (以上五百四十一號代募衛生總局共收四百元) 許世和二元 屈玉倫二元 張樹昌二元 沈良棟二元 張潤二元 敖薌二元 (以上五百四十二號代募衛生總局共收洋十二元) 黃維清二元 唐帝春一元 梁承藻一元 羅汝藩一元 吳喬森一元 陳陟良一元 何柏榮一元 敖恩溥一元 何宗光一元 劉堪燊一元 許其銘一元 林初庭一元 陳泰謙五角 陸存煊五角 五國卿二元 (以上五百四十三號代募衛生總局共收洋十五元) 孟廣仁三元 施伯聲二元 張蘊忠一元 宋廷瑞一元 梁九居一元 劉光榆一元 鍾振西一元 張承學一元 馮國寶一元 劉堪科一元 李錫康一元 孫葆璐一元 (以上五百四十四號代募衛生總局共收洋十五元) 屈桂庭五十元 關心記五元 司徒秩俞十元 王紫虹十元 余星泉十元 黎仲端二元 吳季芳十元 漸記二元 蕭伯林十元 林基二元 曾樂庭二元 (以上五百四十五號代募衛生總局共收洋一百一十三元) 全希伯六元 黎麟生五元 陸蕩山二元 張子翔五元 經子清八元 王彥儂五元 (以上三百八十六號代募工部關共收洋三十一元) 孫恒壽船五角 胡順盛船五角 唐仁興船五角 孫恒財船五角 同聚興船五角 于義順船五角 永太順船五角 傅裕順船五角 王順財船五角 朱寶盛船五角 玉成順船五角 楊同發船五角 孫茂盛船五角 孫恒祿船五角 袁福興船五角 同永順船五角 孫永財船五角 孫洪順船五角 傅盛興船五角 李發興船五角 孫恒成船五角 朱仁興船五角 唐成興船五角 胡順裕船五角 玉祥順船五角 義興福船五角 孫恒祥船五角 永順泰船五角 (以上二百四十四號代募錫廉共收十四元) 厚德銀號十元 郭遵陸五元 孫瑞安五元 錫潔菴十元 (以上七十五號代募謝受之共收三十元)

# 本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗如獎譽茲為推廣招徠起見自本年承印各項價格外減讓以副官商雅意如蒙賜顧請至本局賬房面議可也

## 催繳甘賑捐冊廣告

查甘賑捐冊有三百餘分未經交回同人擬再展限二十日至十月底務望一律交齊是所至盼  
官報局甘肅籌賑處謹啓

## 工商演說廣告

啓者十一月初三日晚八鐘至十一鐘仍借東宣講所內演說工商各項要理並請韓鏡湖先生演說流質上下側三者壓力之功用紀管滯先生演說立憲國之國民有擔任國債之責任宋則久先生演說工商研究之要素務乞各工商屆時惠臨入聽不取分文特先佈告  
天津勸工陳列所謹啓

## 助柴鳴謝

啓者本堂收養孀孤年來人數增多不獨米糧用鉅而冬令燒柴尤爲大宗茲承建造處陳建侯總辦惠助木柴二萬數千斤作炊爨之用黍谷回春不衣自煖似此樂善好施盡登報端用鳴謝悃  
廣仁堂公啓

## 鳴謝助款

邑紳花翎候選道李公鴻翰謹遵故父李公鍾瑒遺命節省喪資以例銀三千兩捐助本堂經費業經收訖當此籌款困難承大紳善承先志慨濟多金實爲好義可風同深感佩除由本堂詳請督憲奏獎外理合登報鳴謝以爲樂善好施者勸  
天津廣仁堂謹啟

## 天津南開私立第一中學堂招考新班學生

考期一在本年十二月初六日上午一在明年正月十八日下午